

UNIVERZITET U TUZLI  
SENAT  
Broj: 03-4395-1-5.3/20  
Tuzla, 30.09.2020. godine

Na osnovu člana 52. stav (1) tačka jj) Statuta Univerziteta u Tuzli, Senat Univerziteta u Tuzli na sjednici održanoj 30.09.2020 donio je slijedeću

## ODLUKU

### I

Utvrđuje se Metodologija za pripremanje prijedloga za izbor kandidata u naučno-nastavna i saradnička zvanja na Univerzitetu u Tuzli i sastavni je dio ove Odluke.

### II

Odluka stupa na snagu danom donošenja.

### III

Stupanjem na snagu ove Odluke prestaje se primjenjivati Metodologija o pripremanju prijedloga za izbor u naučno-nastavna, nastavna i saradnička zvanja broj: 03-38-666/01 od 21.02.2001.godine.

### IV

Pisanje izvještaja komisije za pripremanje prijedloga za izbor u naučno-nastavna, umjetnička i saradnička zvanja, po konkursima objavljenim prije stupanja na snagu ove Odluke, okončati će se primjenom Metodologije broj: 03-38-666/01 od 21.02.2001.godine.

### V

Metodologija iz tačke I ove Odluke objavit će se na web stranici Univerziteta u Tuzli.

Dostaviti:  
- Fakultetima/Akademiji  
- pomoćnicima Generalnog sekretara  
- a/a



Predsjedavajuća Senata

*Nermina Hadžigrahić*  
dr.sci.Nermina Hadžigrahić, red.prof.

## NAUČNO - NASTAVNOM VIJEĆU FAKULTETA/AKADEMIJE

### Naziv fakulteta/Akademije

- U preambuli izvještaja navesti broj i datum odluke o imenovanju komisije za pripremanje prijedloga za izbor kandidata u naučno-nastavno i saradničko zvanje, nastavni predmet, odnosno užu naučnu oblast na koju se kandidat bira, te sastav komisije sa podacima: ime i prezime, zvanje, nastavni predmet odnosno užu naučnu oblast na koju je član komisije izabran, fakultet i univerzitet na kojem je izabran. Ukoliko je član komisije izabran na drugom univerzitetu, pored imena tog člana komisije navesti ekvivalenciju predmeta/uže naučne oblasti na koju je izabran u odnosu na nastavni predmet/užu naučnu oblast za koju se vrši izbor na Univerzitetu.
- Nakon što se konstatuje kada i u kojem dnevnom listu je objavljen konkurs, navode se imena svih prijavljenih kandidata.

Izvještaj se podnosi zbirno, za sve prijavljene kandidate čije su prijave potpune i blagovremene. Za prijave koje su nepotpune ili neblagovremene, komisija u uvodnom dijelu Izvještaja, za tog/te kandidate kratko navodi činjenične razloge zbog kojih se prijava(e) kandidata neće razmatrati.

### IZVJEŠTAJ

#### 1) BIOGRAFSKI PODACI KANDIDATA

Hronološkim redom dati sljedeće podatke:

- Datum i mjesto rođenja;
- Tok školovanja: Prvi ciklus studija/dodiplomski studij, sa naznakom dana, mjeseca i godine diplomiranja (broj i datum izdavanja diplome), stečeno zvanje, naziv i mjesto fakulteta i univerziteta na kojem je stečena;
- Za izbor u saradničko zvanje asistenta i višeg asistenta navesti uspjeh ostvaren tokom studija (prosjeck ocjena);
- Drugi ciklus studija/postdiplomski studij/specijalizacija sa naznakom: naziv studijskog programa drugog ciklusa/postdiplomskog studija/specijalizacije, naslov magistarskog /specijalističkog rada, sa naznakom dana, mjeseca i godine odbrane rada (broj i datum izdavanja diplome), stečeno zvanje, naziv i mjesto fakulteta i univerziteta na kojem je stečena;
- Treći ciklus studija/doktorski studij/doktorat nauka: naziv studijskog programa doktorskog studija/trećeg ciklusa/ doktorata nauka, naslov doktorske disertacije, sa naznakom dana, mjeseca i godine odbrane rada (broj i datum izdavanja diplome), stečeno zvanje, naziv i mjesto fakulteta i univerziteta na kojem je stečena;
- Kratak opis kretanja u službi, sa nazivom i vrstom poslova koje je kandidat obavljao i koje obavlja u vrijeme izbora;

- Pohvale, nagrade i priznanja kandidata;
- Verifikovano znanje jednog svjetskog jezika sa naznakom nivoa i institucija koja je izdala odgovarajući dokument.

## 2) NAUČNI RAD KANDIDATA

### a) Naučni rad kandidata do zadnjeg izbora

Dati popis objavljenih univerzitetskih udžbenika, knjiga, naučnih monografija i naučnih radova relevantnih za izbor, u formi bibliografskih podataka (koristiti Vancouverški stil citiranja ili nekih drugih priznatih citiranja).

### b) Naučni i stručni rad, kandidata od zadnjeg izbora

#### **Univerzitetski udžbenik/knjiga/naučna monografija relevantni za izbor**

Pored bibliografskih podataka (koristiti Vancouverški stil citiranja ili nekih drugih priznatih citiranja) navesti CIP katalogizaciju, imena i akademske izbore recenzentata. Ako je kandidat autor poglavlja u knjizi, prilaže kao dokaz knjigu, a ne samo poglavlje knjige.

Primjer citiranja univerzitetskog udžbenika/knjige/naučne monografije:

#### Cijeli univerzitetski udžbenik/knjiga/naučna monografija

Heger JW, Niemann JT, Criley JM. Cardiology, 5th ed. Philadelphia: Lippincott, Williams & Wilkins; 2003.

#### Poglavlje u univerzitetskom udžbeniku/knjizi/naučnoj monografiji

Braunwald E, Perloff JK. Physical examination of the heart and circulation. In: Braunwald E, Zipes DP, Libby P (eds). Heart disease: a textbook of cardiovascular medicine, 6th ed. Philadelphia: WB Saunders; 2001, pp. 45-81.

#### **Naučni radovi objavljeni u naučnim časopisima relevantnim za izbor**

Naučni radovi objavljeni u međunarodnim časopisima, indeksiranim u relevantnim međunarodnim bazama indeksacije - Master Journal List (Web of Science). Pored bibliografskih podataka (koristiti Vancouverški stil citiranja ili nekih drugih priznatih citiranja) navesti i naziv baze u kojoj je časopis indeksiran.

Naučni radovi objavljeni u međunarodnim časopisima, indeksiranim u drugim relevantnim međunarodnim bazama indeksacije. Pored bibliografskih podataka (koristiti Vancouverški stil citiranja ili nekih drugih priznatih citiranja) navesti i naziv baze u kojoj je časopis indeksiran.

Naučni radovi objavljeni u domaćim časopisima koji se nalaze u Registru domaćih publikacija Univerziteta u Tuzli. Pored bibliografskih podataka (koristiti Vancouverški stil citiranja ili nekih drugih priznatih citiranja) navesti i naziv baze u kojoj je časopis indeksiran.

Primjer citiranja naučnog rada:

Tashiro H, Shimokawa H, Sadamatu K, Yamamoto K. Prognostic significance of plasma concentrations of transforming growth factor-beta in patients with coronary artery disease. *Coron Artery Dis* 2002;13(3):139-143.

### **Naučni radovi objavljeni u punom obimu u zbornicima radova sa naučnih konferencija/skupova relevantnim za izbor**

Naučni radovi objavljeni u punom obimu (*in extenso*) u zbornicima radova u zemlji i inostranstvu koji se nalaze u Registru domaćih publikacija Univerziteta u Tuzli ili su indeksirani u referentnim bazama (navesti naslov rada sa bibliografskim podacima o zborniku koristeći Vancouverski stil citiranja ili nekih drugih priznatih citiranja).

Za izbor u saradnička zvanja navesti popis objavljenih stručnih radova na način kako je prethodno navedeno za naučne radove.

Kod izbora u naučno-nastavna zvanja ne navode se stručni radovi.

Prilikom sačinjavanja popisa svih radova u okviru jedne kategorije radove navesti hronološki od najnovijeg ka najstarijem datumu objavljivanja.

Primjer citiranja naučnog rada u zborniku:

Rice AS, Farquhar-Smith WP, Bridges D, Brooks JW. Cannabinoids and pain. In: Dostorovsky JO, Carr DB, Koltzenburg M, editors. *Proceedings of the 10th World Congress on Pain; 2002 Aug 17-22; San Diego, CA. Seattle (WA): IASP Press: 2003. p. 437-68.*

## **3) ORIGINALNI STRUČNI USPJEH: PROJEKAT, PATENT ILI ORIGINALNI METOD (ZA IZBOR U ZVANJE VANREDNOG PROFESORA)**

### **3.1 Projekti**

Navesti: naziv institucije koja je odobrila projekat (naučne institucije, nadležna ministarstva, naučni instituti, univerziteti, klinički centri i druge domaće i međunarodne institucije, naziv projekta, period trajanja projekta i naučni članak koji je publiciran iz rezultata tog naučnoistraživačkog projekta (citirati kao kod citiranja naučnih radova).

Navesti podatke samo za naučnoistraživačke projekte koji su relevantni za izbor.

### **3.2. Patenti**

Za patente navesti: naziv patenta, naziv institucije koja je patent odobrila (država i datum prihvatanja) uz prilaganje dokaza.

Navesti podatke samo za patente koji su relevantni za izbor.

### **3.3 Originalni metod**

Navesti metod koji je rezultat istraživanja sa dokazima kojima se potvrđuje da je relevantan za izbor.

## **4) MENTORSTVO**

### **4.1 Mentorstvo kandidatu trećeg ciklusa studija/doktorskog studija/doktora nauka**

Navesti: ime i prezime kandidata, naslov doktorske disertacije, datum i mjesto odbrane doktorske disertacije i naziv akreditovanog javnog univerziteta na kojem je doktorska disertacija odbranjena.

### **4.2 Mentorstvo kandidatu drugog ciklusa studija/postdiplomskog studija**

Navesti: ime i prezime kandidata, naslov magistarskog rada, datum i mjesto odbrane magistarskog rada i naziv akreditovanog javnog univerziteta na kojem je magistarski rad odbranjen.

## **5) ISKUSTVO U NASTAVNOM RADU**

Dati precizan pregled rada u nastavnom procesu kandidata za izbor u zvanje docenta:

- Navesti nazive predmeta koje je kandidat predavao/držao vježbe, akademsku godinu/semestar, akreditovani javni univerzitet/fakultet, sa naznakom izbornog zvanja/svojstva stručnjaka iz prakse.
- Ako kandidat za izbor u zvanje docenta nije imao iskustvo u nastavi, komisija u izvještaju navodi datum, mjesto, naziv fakulteta/univerziteta, temu održanog pristupnog predavanja te ocjenu istog.

Za izbor u zvanje vanrednog ili redovnog profesora navesti da je proveo izborni period u zvanju docenta, odnosno, vanrednog profesora uz navođenje uže naučne oblasti ili predmeta izbora, kao i nazive predmeta iz kojih je držao nastavu u toku prethodnog izbornog perioda.

Komisija mora imati validan dokaz za sve navode u izvještaju kod izbora za nastavnike koji nisu u radnom odnosu na Univerzitetu u Tuzli, koji se definiše konkursom.

## **6) ZAKLJUČAK**

Komisija u Zaključku taksativno i kvantitativno navodi ispunjenost svakog od Zakonom i Statutom propisanih relevantnih uslova za izbor u odgovarajuće zvanje, za kandidata koji ispunjava uslove za izbor. Komisija za kandidate koji ne ispunjavaju uslove navodi razloge neispunjavanja uslova.

U slučaju da više kandidata ispunjava uslove za izbor u odgovarajuće zvanje, komisija u ovom poglavlju daje zbirni zaključak o svim kandidatima u formi tabele o izvršenom bodovanju kandidata.

## 7) PRIJEDLOG

Formulisati decidan prijedlog za izbor uz navođenje izbornog zvanja, te pravnog osnova sadržanog u Zakonu o visokom obrazovanju Tuzlanskog kantona i Statutu Univerziteta u Tuzli.

Ako je na konkursu učestvovalo više kandidata, dati obrazloženje za kandidata koji se predlaže za izbor, u odnosu na ostale kandidate koji ispunjavaju uslove za izbor.

Sastavni dio izvještaja komisije je pojedinačna tabela za svakog kandidata (obrazac u prilogu).

\* Napomena: Komisija u Izvještaju prezentira samo one podatke o kojima je kandidat dostavio odgovarajući dokaz, precizirajući da je dokaz priložen u originalu ili ovjerenj fotografiji ili u neovjerenj fotografiji, u skladu sa konkursom.

Broj:03-4395-1-5.3/20

Tuzla, 30.09.2020. godine



**Predsjedavajuća Senata**

*Nermina Hadžigrahić*  
**Dr. sci. Nermina Hadžigrahić, red. prof.**

**JU UNIVERZITET U TUZLI  
TABELARNI PREGLED PODATAKA ZA IZBOR U NAUČNO-NASTAVNA ZVANJA NA JU UNIVERZITET U TUZLI**

IME I PREZIME	FAKULTET	GODINA ODBRANE DOKTORSKE DISERTACIJE	GODINA PRETHODNOG IZBORA	PREDMET – UŽA NAUČNA OBLAST	IZBOR U ZVANJE		MENTORSTVO	
					MR	DR	MR	DR
					-			-

**BROJ OBJAVLJENIH RADOVA RELEVANTNIH ZA IZBOR**

	UKUPNO										OD PRETHODNOG IZBORA									
	1	2	3	4	5	6	7	8	9	10	1	2	3	4	5	6	7	8	9	10
-	-	-	-	-	-	-	-	-	-	-	-	-	-	-	-	-	-	-	-	-

**PREDSJEDNIK KOMISIJE**

**LEGENDA**

1. Broj knjiga relevantnih za izbor
2. Broj univerzitetskih udžbenika relevantnih za izbor
3. Broj naučnih monografija relevantnih za izbor
4. Broj naučnih radova u međunarodnim časopisima indeksiranim u bazama *Master Journal List (Web of Science)* relevantnih za izbor
5. Broj naučnih radova u međunarodnim časopisima indeksiranim u drugim relevantnim međunarodnim bazama indeksacije relevantnih za izbor
6. Broj naučnih radova objavljenih u domaćim časopisima koji se nalaze u Registru domaćih publikacija Univerziteta u Tuzli
7. Broj naučnih radova objavljenih u punom obimu (*in extenso*) u zbornicima radova u zemlji i inostranstvu koji se nalaze u Registru domaćih publikacija Univerziteta u Tuzli ili su indeksirani u referentnim bazama
8. Broj naučno-istraživačkih projekata relevantnih za izbor
9. Broj patenata relevantnih za izbor
10. Broj originalnih metoda relevantnih za izbor

**DEKAN**

**JU UNIVERZITET U TUZLI**  
**TABELARNI PREGLED PODATAKA ZA IZBOR U SARADNIČKA ZVANJA NA JU UNIVERZITET U TUZLI**

IME I PREZIME	FAKULTET	GODINA ZAVRŠETKA PRVOG CIKLUSA STUDIJA	GODINA ZAVRŠETKA DRUGOG CIKLUSA STUDIJA	PREDMET – UŽA NAUČNA OBLAST	IZBOR U ZVANJE	PROSJEČNA OCJENA	
						NA PRVOM CIKLUSU STUDIJA	NA DRUGOM CIKLUSU STUDIJA

**BROJ OBJAVLJENIH RADOVA RELEVANTNIH ZA RANGIRANJE**

UKUPNO										OD PRETHODNOG IZBORA							
1	2	3	4	5	6	7	8	9	1	2	3	4	5	6	7	8	9
-	-	-	-	-	-	-	-	-	-	-	-	-	-	-	-	-	-

**PREDSJEDNIK KOMISIJE**

**LEGENDA**

1. Broj naučnih radova u međunarodnim časopisima indeksiranim u bazama relevantnim za rangiranje
2. Broj naučnih radova u međunarodnim časopisima indeksiranim u drugim relevantnim međunarodnim bazama indeksacije relevantnih za rangiranje
3. Broj naučnih radova objavljenih u domaćim časopisima koji se nalaze u Registru domaćih publikacija Univerziteta u Tuzli relevantnih za rangiranje
4. Broj naučnih radova objavljenih u punom obimu (*in extenso*) u zbornicima radova u zemlji i inostranstvu koji se nalaze u Registru domaćih publikacija Univerziteta u Tuzli ili su indeksirani u referentnim bazama relevantnih za rangiranje
5. Broj objavljenih stručnih radova relevantnih za rangiranje

**ČLANOVI KOMISIJE**

1. \_\_\_\_\_

2. \_\_\_\_\_

**DEKAN**